

# CONCURSO LITERARIO JUVENIL DE PAMPLONA IRUÑEKO GAZTEENDAKO LITERATUR LEHIAKETA 2019

EUSKERA POESIA 14-16 URTE

LEHENENGO SARIA:

*Ziurra ziurgabe denean*  
Ainhoa Andueza San Miguel

Erori ziren hostoak  
malkoak bailiran  
udazkenak izandako negarraldi hartan  
libre izango zirelakoan amildu  
eta zapaltzen dituzte kris-kras  
grabitatera kondenatutako lur goibeletan.

Erori ziren begiradak  
ateak itxiz erreko zituen kanpoaldetik ihesean  
betazalak hetsiz errealitatetik aldenduta.

Jausi ziren malko leunak  
atzamar bihurtuta,  
zauriak orbain  
eta orbainak zauri bilakatuta.

Erorialdia saihestuz oreka daramagu euskarri  
eta izaturik gabiltza  
erlojuaren orratzek bultzatuko gaituztelakoan  
segundo batzuk azkarregi igarotzen baitira,  
besteak motelegi.

Noraezean gabiltza, erortzearen beldur garelarik  
ipar haizea itsu, norabidea aurkitu ezinik  
galdu dugu norantza  
eta “nora” hitzaren esanahia  
ez daukagu ipar orratzik,  
ardatzik.

Erortzear...  
egiak zintzoegiak  
gezurrak maltzurregiak iruditzen zaizkigun bakoitzean  
ziurra ziurgabe bilakatzen den aldi guztietan  
zutik bagaude ere,  
aspaldi erori ginela  
bizitzaren kontraesanetan.